

30 aña di Jeugdcentrum Tanki Leendert



ORANJESTAD (AAN)- Despues cu e edificio di Jeugdcentrum Tanki Leendert a ser kima na aña 1977 a parce den comunidad cu e directiva tabata uno inactivo, sin embargo na varios ocasion a organisa diferente evenementonan deportivo, y di caracter social pa ilustra e funcionamiento continua di e instancia aki.

A jega asina leeuw cu a aserca gobierno pa un permiso pa por recauda fondo tanto den comercio como na publico pa restauracion di e edificio creando atrobe e aspecto original di e centro pa ofrece e jovennan den e barío e oportunidad pa haci uzo un biaha mas di un lugar adecuado pa metanan sano y deportivo.

Gobierno ariba e fecha di recorda 30 aña di existencia di e jeugdcentrum Tanki

Leendert a asisti pa un brindis den e patio ya reconstrui.

Actualmente e team baracboy's ta organisa e deporte di futbol di sala y directiva di e centro tin pensa pa inicia tambe cu weganan di volleyball muy pronto.

E directiva actual activo ta consisti di e siguiente personanan; Antonio Dijkhoff, Presidente, Freddy Dijkhoff, secretario, Vito Oduber, tesorero. Comisarionan: Adolf Croes, Ralph Benschop, Cor-

win Krozendijk, Deta Tromp, Enith Tromp, Valerie Krozendijk, Francisco Rossell y demas voluntarionan.

Gobierno ta desea e directiva hopi exito cu nan plannan pa restaura e edificio di e centro y a otorga nan e permiso pa recaudacion di fondo.

Ta haci un suplica na tur comerciante y pueblo di Aruba en general pa extende nan debido cooperacion na e jeugdcentrum Tanki Leendert pa realisacion di nan meta.